

中州名賢集



中州名賢集



中州名賢集序

中州之學肇自伊洛伊洛之源開自濂溪其流則爲尹
謝游楊俱稱程門高第弟子再傳而朱子出益克倡其
學而大之爲天下後世法嗚呼盛矣元有許子魯齊明
有曹子月川逮我

國朝則有湯子潛菴潛菴親承孫夏峯指授輯洛學編
以衍中州理學正宗睢陽人士因其志建洛學書院以
爲多士肄業之所咸豐中燬於寇光緒初元儀徵陳公
觀察吾豫經其地憫墜緒之無傳慨然捐俸拓其地而
新之溯伊洛之學源出濂溪乃不遠千里特聘楚南黃

曙軒先生主講是席先生居敬以培其本窮理以致其
用於心教身教之餘猶懼其傳之未廣也爰纂夏學潛
菴以來十先生遺書爲中州名賢集頒發士林用標模
楷讀文鈔而知道德文章學有原本也讀詩鈔而知濂
洛風雅陶淑性情也讀語錄及講義學規各種而知尊
德性道問學敬義夾持知行並進確有從入之階梯也
蓋吾鄉諸先正之學各有心得統立德立功立言而一
以貫之雖宗尚稍殊而道則一致後學隨其資性所近
皆可循途以至於道記曰雖有嘉肴弗食不知其旨也
雖有至道弗學不知其善也竊願吾鄉多士潛心默玩

觀感興起由十先生之學以溯伊洛淵源庶道統一脈
繼繼承承永遠勿替則程子之學在斯焉周子之學亦
在斯焉我儀徵陳公匡輔道統之功於以不朽矣

光緒十八年歲在壬辰嘉平月朔日永城呂永輝拜序

國朝中州名賢集目錄

詩鈔上卷

夏峯孫先生詩鈔

潛庵湯先生詩鈔

逸庵耿先生詩鈔

仲誠張先生詩鈔

詩鈔中卷

禮山李先生詩鈔

詩鈔下卷

敬庵張先生詩鈔

靜庵竇先生詩鈔

憺庵冉先生詩鈔

文園李先生詩鈔

艮峯倭先生詩鈔

楚南湘潭後學黃舒昌編輯

國朝中州名賢集卷之上

夏峯孫先生詩鈔

戒營二首

錄一

求多心憂思煩神亂暮年尤宜戒之故作此詩
人生百歲內日日事營求爲謀止一飽夢寐慙衾裯所
以古至人不惑亦不憂飯糗將終身五月可披裘有酒
便且酌客至任去留機忘自閒靜吳越可同舟語憶裴
晉公行止與天游

辛未寄弟啟美

初志應難遂年華覺易過青山違去久白髮漸來多身

世歸雙眼行藏付一蓑
漫思程萬里吾意愛煙蘿

山居

山中聞見少村落
闢鴻濛樵牧風猶古
琴樽道不窮溪聲環枕上月色入懷中
夜半披衣坐塵心頓若空

贈房竹菴

憶昔識荆日忽驚三十年
謀生憐我拙聞道喜君先
署冷心無滓官微教有權
此來聯舊好前輩自名賢

謁靜修墓

孤墳埋劍氣下拜見君心
遺韻留天地清風動古今
碑殘青草沒樹老綠苔侵
何限低徊意臨流空自吟

談長益夜遊泉上

別有看山眼何妨入夜遊月明嵐氣合人靜水聲幽嶺
半間猿嘯源窮發隱憂衰遲艱策杖獨坐意悠悠

兼山堂靜坐

山近雲堪愛秋清花正妍一心無惡趣萬事有良緣洗
硯吟乘興拂牀倦就眠祇將閒送老何用學神仙

自警

白頭墮落竟如斯孤負垂髫立志時逐妄百年皆苦趣
造微一夕得心怡學先遜世須由己文未喪天應屬誰
觸目鳶魚恣領略林枯水涸自生奇

春日憶代傳

興到頻頻欲叩關
遙看松榻白雲間
東風有意來相問
春滿枝頭月滿山

題夏峯

無山無水亦雲林
盡道桃源此地尋
刊盡浮華留靜氣
閒看調鶴洗機心

楚南湘潭後學黃舒昂編輯

潛庵湯先生詩鈔

夏日詠懷

初夏朝氣清綠陰映竹閣好鳥時來集微風散林薄養
疴豐暇日坐臥對雲壑圖書紛几席茗盃常開錯偶爾
屬篇章怡情忘簡略採藥支短筇尋泉踏芒屨豈曰謝
浮榮明志貴澹泊世人逐妄跡真源誰啟鑰矜智適成
愚要窅何由度鬱鬱南澗松百丈巖如削遙望浮雲中
縹緲飛白鶴於斯悟至理俯仰增遼廓

飲張爾成少參署中

高齋竹柏漏聲殘促席停杯興未闌千里風塵驚短鬢

十年供奉憶同官
霜清衛水雲帆壯
雪滿天雄玉塵寒
北斗共瞻新氣象
故人幾許在長安

送李子德奉旨歸養

薊門疏雨澹秋陰
惟爾斯行重古今
賦就上林纔賜第
表陳東掖蚤抽簪
關河落照鄉山迥
驛路鳴蟬野樹深
到日高堂應戲綵

御香未散遶衣襟

送張敦復學士請假南歸

十年供奉

主恩深長表陳情重古今
經國文章留青史

祕殿瞻雲涕淚見臣心挂帆江路春生浪駐蓋龍眠樹
欲陰模楷中朝誰得似期君還旆馬駸駸

送王子言請假歸省

五載京華心事違

主恩今許覲庭闈白雲路遶漕河轉鄉樹陰連岱色微
客裏詩成題驛壁堂前花發待斑衣故人潦倒長安久
何日如君賦曰歸

題畫

秋林不厭靜高士自能閒鎮日茅亭下開窗對遠山

西來庵題壁

禪門深鎖萬松間
江上白雲自往還
雨過捲簾無別事
一編周易對焦山

逸庵耿先生詩鈔

題溫憲之山房

高齋俯青岑白雲入戶裏中有幽栖人不爲蒼生起架
多皇古書交皆天下士旣倦四方遊卜居臨清洧當軒
有嘉樹興來一徙倚晴沙集鷓鴣素波游魴鮪物各適
其天可以悟生理君情久寂寞我意亦如此

秋日同天叟孝標宿梁樹百南山草堂

一灣流水四山楓夜雨挑鐙話不窮睡起衣裳猶帶溼
此身却在白雲中

川上亭詩并序

序未錄

我有讀書廬乃在嵩山麓山勢既逶迤水流復深曲自
念迂腐資白首空碌碌豈不戒嬉遊聖賢相勉勸偶爾
闢荆榛覆茅成小屋沈沈茂叔蓮青青武公竹松風自
南來過耳聲謾謾非是甘泉石幽人愛空谷

川上亭子四首

巘岼來嶽勢湍瀨送溪流竹氣消殘暑荷香媚素秋泉
聲近復遠雲意去還留嵩下多佳勝無如此地幽

其二

卜宅去人境林泉老一身煙霞誠入癖魚鳥自相親唱
和咸心契往來盡德鄰誰知千載下猶有葛天民